

中國方志叢書·華中地方·第三五二號


據

清·林讓昆等修，楊世霖纂  
同治五年抄本

影印

湖北省

# 保康縣志



成文出版社有限公司印行



\*10096929\*

14819  
135V

5071/05

中華民國六十四年 月臺一版

# 保康縣志

全 冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號



## 保康縣志序

邑之有序所以紀山川辨風土考古今述人物者也。鄧陽一郡界秦楚之際秦僻陋罕掌政而保康又為房縣所析明宏治間始分治雖往代累有傳播而多統於房無復表見然則將何以為志曰志之為志雖主於記載亦以俟為民牧者鑒而觀焉審如是又何必誇多闢靡炳耀簡冊而後為志哉。闕其所無詳其所有足以有裨於治化斯已矣。東吳朱君菊城以儒生為循吏於同治乙丑蒞是邑適當事有督修之役遂奮然以為己任而邑之舊志燬於兵火者再矣。大冶楊君慰農秉鐸十餘年灼知地方利病又留心蒐訪有素爰與邑諸生哀而輯之越期月而歲事也以彙本郵寄索予一言予受而讀之卒簡知二君之所以為是書者固為吏治民風計至深且遠而非獨紀山川辨風土考古今述人物已也。異日膺司牧之責覽斯志而知斯土之所以為治也豈非大有裨於治化哉於是予書。

同治四年歲次乙丑季冬上澣湖北安襄鄖荆備兵使者仁和王文韶護石氏識於襄陽官廨

# 保康縣志序

癸亥夏昆攝保康篆下車時訪求邑乘家無其書嗣攷鄖陽郡志載黃義舉纂保康志未刊及詢諸父老而先生為有其稿本亦無存乃於甲子春集諸君子而謀之曰邑之有志猶國之有史也上而政治下而風化所關最鉅保康自明宏治十一年分房之修文宜陽二里為邑迄今三百餘年志書闕如修之為可緩哉司鐸楊公力贊斯議遂命諸紳士分司其事是年七月適昆有勲理秋闈之役來刺史及瓜而代謀付剞劂昭示來茲誠盛事也諸君子以昆倡修亟以序請爰郵寄數語誌諸簡端

同治五年丙寅同知銜黃岡縣知縣前署保康縣事翁青林謨昆序於西陵官廨

# 保康縣志序

朝廷設官甚衆其與士民相親者邑之官師為最志乃官師之鑑也攷自班孟堅以志易書後漢增輿服志唐宋遼金元增選舉兵制志類皆有闕一代大典豈為官師顧我國家承平已久海濱山陬疇弗靡靡於制度文為燦然大備惟是邑在層巒疊嶂中素無衍沃之地可以比屋居民而四方之藹足而至者又復散處陵谷間往往人自為風家自為俗熙竊以為端本善則無如官師況乎志之大端曰地輿曰建置曰祠祀曰田賦曰人物兵防治忽誰司功過誰司仕官師顧不重哉今欲嚴訂官箴以表率乎士民舍志其奚以作志者權不操夫褒貶心則同此好惡即不翹人之過豈能匿人之善誠使為官師者日手一編以人為鑑內而觸目警心外而整躬率物以節儉培庸土以廉明恤窮簷以正大剛方式庠序教行於上風動於下又何士習民風之不蒸蒸日上哉熙初履任求志不得詢知前任林君有是議未竟而去熙乃躊躇者久始得刻期成書案牘勞形且有勸建書院之役一辭未逮賢猶幸儒學楊君閉門而造先得我心故訛筆而據意如此 同治四年乙丑冬初代理縣事菊城宋熙曾撰

# 保康縣志序

江文通曰作史之難莫難於志蓋綜一代之典章制度徵文考獻勒為成書非英才學識三長而又研求至當者不能垂久行遠也若郡縣之志地近則聞見較真約則網羅較易採而輯之不資著作才似真難焉然亦有難焉者遠方僻壤沿革無稽習俗殊風數陳非典則討論難且體兼表傳官師人物不盡可傳古蹟藝文不堪稱述則網色難至一方之孝子貞婦義烈可風者或貧賤而不能上達或年久而事蹟失傳九原不作望古徒勞則採訪難若其稍有勢力者則又妄意干名題邑紳丐當事佳傳索米穢史貽譏則核實難又况邑舊屬房自前明宏治分建至今前志稿脫於黃學郵手既燬於嘉慶丙辰後志稿輯於王明經手又燬於咸豐丙辰一部風俗書兩遭烽火劫歟成歟志豈不難哉楊君好古績學鐸振鐸有年不諉其難而與門下士王生燮亭等博訪周諮閱事閱兩年釐為七卷凡夫山川形勢之表延土地人民之廣家政典禮制之賅備戶口賦役之區分以及官師人物中之嘉言懿行斷碣殘碑百年埋沒於菁榛林密間者皆了了得窺其眉目而幽明感應禍福萌兆亦附紀於後為訓俗型方者勸且懲纂

言紀事植為楷模擗管操觚歸其儀的洵不虛外史之職而克祀所難者矣宜乎前太守陳公之以體例嚴明敘述簡鍊不愧作手稱也書開雕於丙寅春三月倡議於甲子前邑令林君籌款於乙丑前代理邑令卅牧宋君予於四月抄奉蒞茲土不先不後弗慮弗為三閱月即獲觀厥成身未嘗親預其難心未嘗不知其難也予為予幸予為楊君幸予為監修分纂諸君幸以見天下無難成事有志者不可畏難云爾是為序

同治五年歲次丙寅七月既望

賜進士出身知保康縣事新東餘暨林煊煦齋氏書於修省堂之馴鶴種梅軒

保康縣志序

志難於因尤難於創初咸豐癸丑夏邑有齋志稿來謁者曰乾隆年中學師華亭黃公撰有志稿燬於嘉慶丙辰之亂後二十餘年王明經霽峰復為採輯此其手錄敢請諸邑侯以梓之世比聞竟病其兄而心竊許可奈寄邑紳家越四年丙辰火於兵夫志祿於政國計民生賴焉向使綴梨棗以廣其傳傳何至兩阨於丙辰而漸滅若此甲子春林明府倡修志議謬以鉅槩屬世夫作史之難江文通以為無過於志人豈不自知而甘蹈趙蒙矜階妄之譏固辭卒不獲乃與邑王生熨度啟瑞謀邑謀野務求不汎不略踰年役始蒞蓋無可因也顧以為創敢乎茲聲諸書續之事而增復有踵而增華者倘以此為素功則幸甚

同治四年歲次乙丑六月中浣

道光乙未恩科

舉人保康縣儒學教諭楊世霖慰農氏謹序

# 例言

一邑舊屬房陵自唐虞趙宋太祖時置保康軍邑名始此前明宏治年間分房之宜陽修文二里為保康縣安以前沿革詳房志不必贅即人物選舉房志已載而未明宜陽修文里者恐滋冒濫不敢妄入

一康對山志武功前有總序議者以為詭稱高簡然志以傳信誇多闕靡吾無取焉後世作志家每條分有小序相沿為式茲不敢襲以陳言務去也

一山川形勢以筆代古圖說並詳務期脈絡分明源流清晰至於隘口有關兵防尤宜慎重臚列

其有八景無關民事何以圖為

一志有官師表止於編年鄭康成云表明也謂事微而不著須表明也邑在萬山中瘠苦實甚已往各官果能有為有子即於其人名下附紀事實是即所以表之也烏用墨守史家體例為哉

一班固藝文志只載書名後世綴以詩文非古也邑志稿失至再前輩諸作散佚無存未必後來者畢竟壓倒又况人之可傳可法豈在詩文此條不設黜浮夸也碑記附載重其人與事也

一 人物所該甚廣非獨忠孝節義若歧人物選舉而二之是別選舉於人物外殊非 國家取士文行並重至意茲特合為一卷膺選舉者當勉為一代人物

一 嘉慶十二年以後俱係新纂以前多宗府志然亦有不敵以訛傳訛者如府志載嘉慶元年賊目王蘭云云近查王自新派名鑾時為諸生被虜以密商約鄉勇克復縣城嘉慶六年自新敗取平爾科拔貢至今其墓尚存而府志乃有械送京師之說是不可不辨餘倣此

一 節婦貞女風化攸關採訪歷十三年並示其家不可糜費即糜增附赴學具結概免其贅祭邑中居民除城市外村落稀少甚至在岑蔚之處陵谷之間自成一家單獨無鄰採訪不易姑就近中舉報及從前已 旌者纂入

一 志凡七篇如地輿建置祠祀田賦人物兵防具間與除利弊有司為政諸條在前而官師殿後以示責有攸歸一邑中祥異幾何然亦不可略非如齊諧志怪使人鬼眼瞞耳亦欲守土者知祥之所以召而懼欣奮勉思異之所

由來而恐懼修省云爾故附官師後以資警覺

楊世霖謹識

保康縣志目錄

卷首 序 例言 目錄 姓氏 圖說

卷一 地輿 疆域 隘口 古蹟 風俗

卷二 建置 城池 公署 學校 坊表 書院 里社 市集 鋪遞 津梁

卷三 祠祀 寺觀

卷四 田賦 戶田 丁糧 稅課 蠲政 倉儲 物產

卷五 人物 忠孝 節義 烈女 選舉 捐職 封典

卷六 兵防 兵制 軍事

卷七 官師 官迹 附祥異

新修保康縣志姓氏

鑒定

特授 鄖陽府知府陳壽圖

字達甫江蘇嘉定縣人道光辛丑科進士

倡議

前署保康縣事補黃岡縣知縣林讓昆

岱青廣東平遠人道光己酉拔貢

籌款督梓

代理保康縣事分缺先補知州宋熙曾

菊城蘇州吳縣人附貢

特授 保康縣知縣林煊

煦齋浙江蕭山縣人同治壬戌科進士

纂修

保康縣學教諭楊世霖

慰農大冶縣道光乙未恩科舉人

協修採訪

邑

優

廩

生王燮庭

子均

郡

廩

生

邑

人王啟瑞

蔭軒

邑辛酉科拔貢試用訓導朱錦標

得軒

分纂

邑

廩

貢

候

選訓導王芝庭

集軒

邑

廩

生朱承業

紹甫

邑

優

廩

生周顯鎬

西垣

邑

廩

生吳映祥

雲千

校對

邑歲貢候選訓導王槐晉應臺

邑恩貢候選訓導王明福子受

邑優附生周大純子厚

候選縣丞邑人吳慶棠星橋

邑歲貢生汪成業益堂

監梓

保康縣典史董賜和熨堂浙江山陰人監生

署保康縣典史王德隆扶階陝西涇陽人監生



境輿圖



邑西南自茅山落脉結望天山至歐家店突起高峰中出一支向東行由大石腦至大山區起結千家林落脉為長  
嶺起為鞍山向北行七十里至梅子垭向西落脉起茶卷山橫開大樟中抽嫩枝行七里許作翻身逆勢起結縣城  
面對千家林梅子垭後山直向北行四十里至開峯峪大山廬北分一小支由驢頭坡至縣城對面之鰲頭山止千  
家林左水與花園坪上捲坪諸水出南漳之武安堰即古堰水千家林左水與鰲頭山左水俱至豆沙河口與大石腦右邊  
以下諸水相會歐家店西分一支行百四十里逆轉在縣城西北結為連山狀類屏屏風背抱一支直至開峯峪上  
首對面山清古寺止其右水各支流至豆沙河口會眾水繞縣出開峯峪其左水各支流與房之羊兒灣水以及沿途  
各溝水相會至開峯峪諸水至此聚會入河南行十餘里至東莊峪入穀城界若望天山以前向東發兩支最南一支  
為邑九里段江南與東湖黃坪河抵界次一支為邑歐馬河南與九里段江相隔霸王河其水東流入南漳之通城  
河山水大概如此惟道於蜀入者輒迷所往

說略

### 縣志八景

筆架雲屏 釣磯石版 浮泉古洞 滴水高崖  
魚躍春瑞 烏啼夜月 銀溪飛雨 金渡樓霞